



Publicaziuns dalla vischnaunca, jamna 49

Damonda da baghegiar

2023-1080.000

Datum dalla publicaziun: 8 da december 2023

Patrun: Fundaziun PUNTREIS
Via Cons 11, 7180 Disentis/Mustér
Representanza: BeerBigliel SA
Via Alpsu 49, 7180 Disentis/Mustér
Intenziun: Niev cundrez fotovoltaic vid la fatschada sid-ost
Edifeci nr.: 148B-B
Parcella: 3865
Adressa: Via Cons 11, 7180 Disentis/Mustér
Zona: Zona per stabiliments ed indrezs publics
Zona da prighel: Negina

Protestas:

Ilis plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2022-1066.000

Sunrise Communications AG, Thurgauerstrasse 101B, 8152 spazzar e construcziun nova digl indrez e l'antenna per la comunicaziun dallas datas mobilas, indrez:
GR586-1, GR_3033B, MOME, parcella 2401, Sandiala, Via Stagias 10.1, 7183 Mumpé Medel.

Uffeci da baghegiar Disentis/Mustér

Rimnada da rumien da casa – fasa da test

Per haver indicaziuns pigl avegnir havein nus ordinau ch'ei vegni rimnau duront ina perioda da test da treis jamnas naven dils **27-11-2023 entochen ils 15-12-2023** mo inaga ad jamna il rumien en nossa vischnaunca.

La rimnada ha liug mintgamai la gievgia.

Nus supplichein l'entira populaziun da deponer futuramein il sac da rumien sulettamein els loghens defini persuerter (casettas da rumien e molocs).

Ilis loghens tolerai entochen oz sper via vegnan sligiai per immediat.

Bien engraziament per Voss'enconuschientscha e cooperaziun en favur d'ina optimaziun dalla rimnada da rumien e dils cuosts persuerter.

Suprastonza communal



Menader uffeci da baghegiar e cumissiun da baghegiar – Abdicaziuns

La suprastonza communal ha obteniu la fin da november 2023 l'abdicaziun dalla piazza dil menader digl uffeci dabaghegiar Marco Tomaschett sin la fin da mars 2024. Plinavon han era ils quater commembers dalla cumissiun da baghegiar Pascal Beer, Simon Bisquolm, Ursin Huonder e Ronny Zanin inoltrau lur demissiun sin la fin 2023.

La suprastonza communal deplorescha quellas abdicaziuns, engrazia denton al menader digl uffeci da baghegiar ed als commembers dalla cumissiun da baghegiar per lur engaschi d'entochen ussa sco era restont en favur da nossa vischnaunca.

Cumissiun da baghegiar

Persunas interessadas da collaborar ella cumissiun da baghegiar duront igl onn 2024 (rest dalla perioda d'uffeci 2021/2024) ein supplicadas d'annunziar lur interess **entochen ils 15 da schaner 2024** alla suprastonza communal, caum postal 57, 7180 Disentis/Mustér. Per ulteriur sclariment stattan il president communal René Epp ni il canzlist Andri Hendry (tel. 081 920 36 36 ni president@disentis.ch resp. canzlist@disentis.ch) bugen a Vossa disposiziun.

Suprastonza communal

Temps d'unviern – Restricziuns da carrar e mesiras da segirtad

Vias da funs, cultivaziun ed uaul

Duront il temps d'unviern eis ei scumandau da carrar cun tuts vehichels sin las vias da funs, cultivaziun ed uaul. Quei scamond vala mintgamai naven dils 15 da december entochen la fin da mars, respectivamein naven dil mument che las vias ein cuvretgas cun neiv. Rumir vias ei scumandau.

Sendas da viandar d'unviern e sendas da gianellas

Las sendas da viandar d'unviern sco era las sendas da gianellas (marcadas rosa) vegnan pridas en funcziun e mantenidas naven digl prem da december 2023 entochen Pastgas 2024. Il bandunar sendas da viandar d'unviern e rutas da gianellas signalisadas, ni vias rumidas da neiv e tut semover ordeifer la zona da baghegiar succeda sin atgna responsabladad. Serradas da sendas, rutas e vias ein ligiontas per tuts e ston vegnir observadas (art. 6 e 10 dalla lescha davart l'organisaziun en cass da crisa).

Naven dall'entschatta december vegn il stan actual davart l'avertura da sendas da viandar d'unviern e sendas da gianellas communicaus silla pagina d'internet <https://strassen.disentis.ch/>.

Nus supplichein da prender enconuschientscha da questas directivas e giavischein in bi temps d'unviern. Bien engraziament per la capientscha ed observaziun.

Direcziun communal Disentis/Mustér

Clom da quens

Il quen communal vegn serraus giu cun ils 31 da december 2023. Per saver risguardar las expensas occurridas uonn el quen 2023 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard **ils 18 december 2023**.

Nus supplichein tuttas firmas sco era tut ils officials dalla vischnaunca d'observar quei termin.

Bien engraziament.

Administraziun communal



Seivs mobilas per la pasculaziun

Tenor art. 75, al. 1 dalla lescha da baghegiar ed art. 18 al. 1 dalla lescha d'agricultura ston tuttas seivs mobilas vegnir allontanadas sil pli tard treis dis suenter la pasculaziun. Quei vala era per seivs da gatter.

Las seivs buc allontanadas vegnan pridas naven senza avisar ils pertuccai sin donn e cuost dil proprietari da terren.

Nus supplichein da prender enconuschientscha da quei fatg e d'instradar las mesiras prescettas.

Uffeci d'infrastructura e baghegiar

Administraziun communal – Informaziun

Muort in'occurrentza interna restan l'administraziun communal e tuts uffecis en casa communal serrai **venderdis, ils 15 da december 2023**.

Bien engraziament per Vossa capientscha ed in bi temps d'advent.

Administraziun communal

Controla da habitonts

Mortoris

Angelo Rosario Di Nolfi-Schmidt, naschius ils 19 da november 1938, morts ils 30 da november 2023

Pader Urban Affentranger, naschius ils 18 da mars 1944, morts ils 3 da december 2023

Administraziun communal Disentis/Mustér

Oz en biblioteca!

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? Venderdis, ils 8 da december 2023 allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrentza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei.

Mats, la miur ed il team dalla biblioteca populara Disentis/Mustér e contuorn

Biblioteca populara Disentis/Mustér e contuorn

Adatg!

Muort occurrentza interna stat la biblioteca serrada venderdis ils 15-12-2023.

Nus engrazien per Vossa capientscha.

Wegen internen Anlasses bleibt die Bibliothek am 15.12.2023 geschlossen.

Wir danken für Ihr Verständnis.

Il team dalla biblioteca



Canorta Lumpazi

Ella rama dallas acziuns da giubileum «10 onns Lumpazi Cadi» envidein nus ad ina fiasta d'advent, **dumengia, ils 10.12.2023**, el center Aua Viva Mustér, Raveras. Allas 16.00 concert diis lumpazis da canorta e structuradas dil di Mustér e Trun, silsuenter stiva da caffè.

Nus selegrein sin stedia participaziun!

Im Rahmen unserer Jubiläumsaktionen «10 Jahre Lumpazi Cadi» laden wir zum Adventsfest ein. **Sonntag, 10.12.2023**, Zentrum Aua Viva Disentis - Raveras. 16 Uhr Konzert der Lumpazis aus Kita und Tagesstrukturen Disentis und Trun, anschliessend Kaffeestube.

Wir freuen uns auf rege Teilnahme!

Apparat d'udida

Gliendisdis, ils 11 da december 2023 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun
11.00–11.45 en Casa sogn Giusep a Cumpadials
13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG surprandan comunablamein quei survetsch gratuit per tuts interessents.

Ei drova negina annunzia.

19. Exposiziun d'art e sentupada, Segnas

Dumengia, 17 da december 2023 14.00-19.00
S. Stiafen, 26 da december 2023, 14.00-19.00
Vederdis, 29 da december 2023, 14.00-18.00

Casa da scola Segnas. 6 expositurs cun lur ovras d'art ed artisanadi. Stiva da caffè.

Cordialmein envida

Chor baselgia Segnas

Corporaziun da dretgs d'alp Nalps e Tegia miez

Radunonza extrodinaria, sonda, ils 16-12-2023 las 20:15 ell'Ustria Cresta Segnas. Informaziun e discussiun pertuccont cunvegentscha cun Nalps Solar AG

A stedia partizipaziun envida

la suprastonza



Sontgaclau viseta ils seniors

Dumengia, ils 10 da december 2023 dallas 13.30 entochen las 15.30 en halla Cons.

Cun grond plascher envidein nus convischinas e convischins da 60 onns ensi alla tradiziunala sentupada cun Sontgaclau. Cun in pign program, la viseta dil Sontgaclau e tier caffè, te, vin cauld e pettas lein nus porscher a Vus in pèr emperneivlas uras en buna cumpignia.

Nus selegrein da passentar ensemen cun Vus in bi suentermiezdi.

Uniun da dunnas Mustér.

Uniuns da giuventetgna Mustér

Sontgaclau a Mustér, ils 9 da december 2023

13:30 Sontgaclaus e lur suitas el vitg prelecziun dils oremus en differentas ustrias dil vitg entochen las 15:00 uras

13:30 program per affons pigns a S. Gada ils affons pigns e lur famiglias serimnan avon caplutta, beneventar comunablamein il Sontgaclau e sia fumeglia ed accumpignar el entochen sil plaz scola

15:00 baselgia S. Gions survetsch divin da famiglia, silsuenter piziulta e bubronda caulda avon baselgia

Annunzia per la viseta da Sontgaclau e sia suite a casa **entochen ils 6 da december 2023.**

Vitg

Ramona Simonet ed Estella Mazzetta, sontgaclauvitg@hotmail.com

15:45 viseta da Sontgaclau e sia suite el Puntreis

17:00 viseta da Sontgaclau e sia suite ellas casadas

Gonda, Dulezi, s. Gions, Raveras

Jannik Vincenz, uggonda@outlook.com

17:00 viseta da Sontgaclau e sia suite ellas casadas

Funs, Clavaniev, Latis

Ricardo Flepp, sontgaclau@protonmail.com

17:00 sentupada cun il Sontgaclau e sia suite ella Vella per tut ils vischins da Funs, Latis e Clavaniev

18:30 viseta dil Sontgaclau e sia suite ellas casadas

Segnas, Acletta

Lara Bergamin, ugsegnasacletta@gmail.com

16:00 viseta da Sontgaclau e sia suite ellas casadas

21:00 prelecziun digl oremus cun punsch e petta avon la caplutta d'Acletta

21:30 prelecziun digl oremus cun punsch e petta avon la sechentaria Sialm a Segnas

Mumpé Medel

Rita Manetsch, ugmumpemedel@hotmail.com

19:00 viseta da Sontgaclau e sia suite ellas casadas

Pardomat, Madernal, Disla, Cavardiras

Lucas Lutz, lucas.lutz@icloud.com

17:00 viseta da Sontgaclau e sia suite ellas casadas

20:00 viseta dil Sontgaclau e sia suite ell' ustria Fravia



Vischinadi Segnas/Mompé Tujetsch

Nossa radunonza ha liug venderdis ils 8-12-2023 allas 20.00 en scola a Segnas.

Tractandas usitadas

Orientaziuns:

- Traffic public (president vischnaunca René Epp)
- Casa da scola Segnas (gerau Schmid Paul)
- Sutpassadi Salez (gerau Jacomet Wendelin)
- Orientaziuns plaz da moviment (gerau Berther Clemens)

Tuts vischins/as ein cordialmein envidai e beinvegni.

La suprastonza
